

Written by The Head Bishop Rt. Rev. Giegere Wenge

8TH JANUARY 2012



INVOCATION:

GOD PAPA BILONG YUMI WANTAIM BIKPELA JISAS KRAIS I KEN MARIMARI LONG YUPELA NA HOLI SPIRIT I KEN MEKIM BEL BILONG YUPELA I STAP ISI. I TRU.

TEXT: ROMANS12:1-2

INTRODUCTION:

Igat pasin bilong GIVIM na pasin bilong KISIM tu istap. Yu givim samting igo long narapela man/meri yu laik givim dispela samting long em na em mas kisim. Na wok bilong GIVIM na KISIM I kam long pinis bilong em. Sapos dispela pasin bilong givim na kisim I laik stap yet, man husait I kisim samting pastaim I mas givim samting I go bek long man husait I bekim samting. Dispela kain GIVIM na KISIM planti man I kolim WANTOK SISTEM, em wanpela kain lo. Tasol long dispela text yumi ridim pinis em wanem tok? God I laik strongim wantok system bilong yumi PNG a?Nogat. Em laik seklim yumi wanpela gutpela pasin bilong God yet.

Theme: GOD PASIN BILONG EM, PASIN BILON GIVIM TASOL BILONG HELPIM HUSAT I SOT

1. Long wanem em I no sot long wanpela samting na yumi helpim em. Tok I stap pinis. Rom 11:33-36.
2. Oloman!!! Ol gutpela pasin bilong God na tingting na save bilong em I pulap tru na I daun tumas olsem solwara! Yumi Mn I no inap long painim as bilong olgeta tingting bilong en. Yumi no inap tru long bihainim olgeta rot bilong em. Olsem tok I stap long buk bilong God. "Husat I save pinis long tingting bilong Bikpela? Husat I bin givim tingting long em? Na husat I givim

samting long God pastaim na God I mas bekim samting long em? NOGAT TRU. God yet I mekim kamap olgeta samting na em I as bilong olgeta samting. Na olgeta samting I bilong em wanpela tasol. Yumi mas litimapim nem bilong em antap olgeta. I TRU”.

3. Paul I tokim yumi olsem olgeta gutpela pasin bilong em, pasin marimari bilong God. Bilong pinisim olgeta sot bilong yumi turangu man.

4. Tasol God I laikim yumi givim BODI bilong yumi long God olsem ofa. Bilong God I ken senisim.

4.1 Senisim tingting bilong yumi I kamap nupela inap long laik bilong em.

4.2 Senisim pasin bilong yumi I kamap tu olsem bilong em yet.

4.3 Bai yumi ken mekim pasin bilong em, bai yumi givim samting nating long helpim sot bilong ol turangu man.

4.4 Dispela nupela pasin bilong God yumi mas mekim em kamap Lotu long God.

5. Yumi givim samting long helpim arapela I sot long en. I nogat bekim bilong en, dispela pasin em I Lotu.

6. God I amamas long dispela pasin bikos em pasin tru bilong EM.

Application

1. Wokabaut wantaim long Famili dispela nupela pasin bilong givim mas stat insait long famili.
2. Liklik famili bilong yumi wanwan.
3. Insait long Kongrigesen wanwan.
4. Insait long Distrik wanwan.
5. Insait long sios olgeta.
6. Long dispela Synod long Goroka, em turning point bilong Sios ELC-PNG long pasin bilong Marimari Giving.

Yumi givim bilong helpim husat?

1. Long helpim husat I sot tru. (needy, orphans, widow, Matt. 5:42)
2. Givim long helpim sot I stap long Sios.
3. Givim bilong helpim wok Gutnius I go bikpela. (Wok Misin)

PINISIM TOK:

Jisas I tokim meri bilong Samaria John 4 wara yu toktok long givim mi bai mi dring na bai drai gen. Tasol wara mi laikgivim yu I dring na kamapim hul wara long laip bilong yu. Givim laip bilong yu long God olgeta, God I ken senisim yumi na pasin bilong God bai pulap long familii bilong yumi wanwan. I TRU.

